



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. Eutyches damnationis certus, Flavianum à judicio repellere nititur rescripto Principis, tanquam lis inter Flavianum & Eutychetem judicanda esset. Dein Dioscoro Alexandrino primatum synodi à ...

urn:nbn:de:hbz:466:1-15617

ope Chrysaphij Eunuchi, qui Principis inge-
nio erga se indulgentissimi abutebatur. Inter-
rim Leo gestis episcopalibus adversus Euty-
chem à Flaviano missis de nova heresi cer-
tior factus, senis illius imperitiam aperte
damnat, exarata in eam rem luculentissima
ad Flavianum tractatione potius quam epi-
stola, qua gravissimè Incarnationis sacra-
mentum contra Nestorij & Eutychetis pro-
fanas novitates afferit. Praterea verò licet
Theodosio se ad Concilium evocanti indi-
cationem necessariam non fuisse Leo scrip-
rit, quia non talis questio orta erat unde
aut posset aut deberet dubitari, attamen ut
aliquatenus statutis Principis pareretur, stu-
dium suum commodavit, & ad dispositionis
imperioriae effectum, auctoritatem aposto-
licæ sedis adhibuit. Quare Iulianum Episco-
pum Puteolanum, Renatum Presbyterum,
& Hilarum Diaconum delegavit, qui vice
sua sancto conventui interessent, & communi-
ni sententia omnia constituerent: quibus ta-
men secundum causam satis sibi & gestorum serie-
& ipsius Eutychis professione patefactam, eviden-
ter & plene quid servandum esset ostendit.

II. Eutyches certus damnationis sibi in
synodo infligendæ, tum Flaviani & primo-
rum judicium sententiis, tum apostolicae sedis
auctoritate, cuius sententiam se per omnia
securum libello ad Leonem missa spo-
noderat, ad consuetas artes & versutias
subsidiūque Chrysaphij confugit. Consi-
lium ejus hoc fuit, ut Romanæ sedis Lega-
tos, & Flavianum, ejusque socios a judicio
repelleret, quod obtineri aliter non poterat
quam rescripto Principis. Itaque Flavianum
ejusque socios, qui secundum canones & ec-
clesiasticorum judiciorum ordinem inter ju-
dices in hoc instaurato judicio adesse debe-
bant, ad partes reorum redigit, ac si lis ali-
qua inter Flavianum & Eutychetem judi-
canda esset. Hec quidem aperta vis erat,
qua innocentissimis Episcopis, rescripto
Principis per fraudem elicito, inferebatur.
Sed callidiori via grassatus est ad rejiciendos
Romanae sedis Legatos. Primatum synodi
Dioscoro Alexandrino deferri curat decreto
speciali Theodosij, non autem literis gene-
ralibus, qua eodem exemplo ad Papam &
ceteros Metropolitas scripta Concilium in-
dicebant. Iis enim Leo contradixisset, & sua
sedis injuriam vindicasset. Quare machinatio
illa post adventum Legatorum in ipso Con-
cilij exordio ad provocandos Legatos ad-
motu est; sperante veteratore eos aut omnino
discessuros, aut Principis animum per
novas contentiones accensuros. Subreptum
Principi prætextu canonum. Primatus enim
& Theodosio decernitur Dioscoro secundum

Tom. II.

canones. Nempe suggestum fuit Imperatori, Ex actis rescriptum
Ag. i. Cone.
Chalced. juxta canones Nicænos, ut primus locus
Romano competit, ita secundum deberi
Alexandrino Episcopo. A synodo quidem
Constantinopolitana prælatum Alexandri-
no Constantinopolitanum Episcopum; sed
in eo nunc Flaviani esse caufam, ut à judi-
cum confessu remotus, inter reos se sistere
teneatur. Quare absente Leone Romano,
primas partes deberi Dioscoro Alexandri-
no, etiam præ Legatis apostolicae sedis.
Quod præjudicio Ephesinæ synodi prioris
confirmabatur; ubi Cyrillus potiorem lo-
cum præ Romanis Legatis obtinuerat, &
summa cum auctoritate in ea synodo erat
versatus. Vnde facile fuit Theodosio obre-
pere, cui perspectum non erat vicem suam
Cyrillo Celestinum delegasse, ut dixi supe-
rius. Admissi in Concilium Legati, quid con-
silij caperent dubij, temperamento quodam
& fidei, qua deserenda non erat, & digni-
tati sedis apostolicae prospexerunt. Etenim
Dioscoro aliquid noluerunt, ut testatur Li-
beratus Diaconus Carthaginensis: *Ecclesia* Liberat. Diacon. in
Romanae Diaconi vices habentes Papæ Leonis af-
fidere non posse sunt, è quod non fuerit data pre-
sesilio sanctæ sedi eorum. Insuper etiam quod non
lecta fuerat ad Flavianum epistola in Eutychetis
damnatione à Papa Leone scripta, & occultata
fuerat epistola ejus per suprad memoratos Legatos
ad ipsam synodum directa. Sanè nullum pote-
rant occupare locum Romani Legati, donec
literæ ad synodum Ephesinam à Leone direc-
te, quibus eorum legatio continebatur, re-
citatae essent, & in Acta redacte. Quare in
ipso synodi introitu, post recitatas Principis
literas evocatorias, Hilarius Diaconus po-
stulavit ut Leonis literæ, qua ad synodum
per Legatos missæ erant, relegerentur. Ac
Dioscorus quidem interlocutus est ut recita-
rentur, septiesque juravit se id omnino pro-
curaturum, sed promissis non stetit. Qua de
re graviter conquesti sunt Orientales Epis-
copi & Aëtius Archidiaconus in Concilio
Chalcedonensi, & judices severissimè expo-
stulaverunt cum Dioscoro & ceteris Präsi-
dibus Concilij Iuvenali Hierosolymorum
& Thalassio Cæsareæ Episcopo, è quod
literæ illæ relectæ non essent. Illi verò tergi-
verfactionibus eludere conantur interroga-
tionem. Dioscorus ait se primò & secundò
interlocutum ut relegerentur. Iuvenalis ve-
rò, prolatam eo momento epistolam quan-
dam Imperatoris qua lectionem illam distu-
lerit, neminem verò deinde monuisse ut Leo-
nis epistola legeretur. Thalassius, se non ejus
auctoritatis fuisse, ut solus de lectione illa
decernere posset. Quæ impudentia Dio-
sori inter præcipua capita ob quæ damnatus

C

Concil. Chalced.
A. 1.

fuit in Concilio Chalcedonensi recensita
fuit à Paschasino Legato: *οὐδὲ τὸν Καλεστίνον
απέγραψαν συνεχίζεται οὐκανελάτη Πατέρας Λέοντος.*

III. Quare, ut antea dixi, nullum locum
occupare poterant Legati de quorum legatione
nondum constabat in synodo. Vnde
factum ut neque etiam in consessum Episcoporum
admitti voluerint. Quod non solum
disertè docuit Liberatus, sed pater etiam
evidentissimè ex Actis Ephesinæ synodi.
Cùm enim in Concilio Chalcedonensi hæc
verba recitarentur, *Residentibus Diōscoro Alexan-
driæ, & Italiano Episcopo agente vices & te-
nente locum sanctissimi & beatissimi Romanae Ecclæ-
siae Leonis, Orientales Episcopi reclama-
runt, & mendacij Acta redarguerunt. Eje-
ctus est, inquit, nullus suscepit nomen Leonis.*
Quid apertius? Expulsum Leonem à synodo
testantur patres, neminemque ejus nomine
interfuisse. Tentavit quidem Diōscorus à Iu-
liano suffragium exigere. Sed ipse atque Hi-
larus responderunt ante omnia legendam
epistolam Leonis. Tunc Eutyches Legatos
sibi suspectos esse protestatus, quòd a Flaviano
& domo & convio laute excepti es-
serent. Enimvero licet pro Legatis non se ges-
serint, ut spectatores adfuerint, & omnibus
quæ in perniciem fidei & canonum acta
erant, animosè contradixerunt.

IV. Frustra ergo laborant viri docti in
Novatorum argutis refellendis; qui Lega-
tos de injurya sedis apostolice ob primatum
Diōscori conquesitos non fuissent, nec Ephesi,
nec etiam in Concilio Chalcedonensi, in-
consultò assenserunt. Non erat enim cur de ne-
gata sibi confessus prærogativa conquerre-
rentur, qui legationis suæ fidem facere non
potuerunt. Intempestiva omnino fuisse de
loco disceptatio antequam de personarum
conditione constaret. Hæc erat præjudiciale
quaestio; quam discuti noluit Diōscorus,
dilata literarum Leonis lectio. Itaque Le-
gati de hac injurya (quæ gradum struebat ad
secundam quaestionem de ordine confessus)
& Ephesi & Chalcedone gravibus verbis
conquesti sunt. Quare in ipso Concilio Chal-
cedonensis exordio Legati Romani dixe-
runt se mandata habere, quibus eis præcipi-
tur ne Diōscorus in synodo confidere pa-
tiantur. Interrogati autem à judicibus, quod illi
crimen impingerent, Lucentius unus ex
illis respondit Diōscoru reddendam esse ra-
tionem judicij sui: *quia cum personam judican-
di non haberet, præsumpsit, & synodum ausus est
facere sine auctoritate sedis apostolice, quod nun-
quam factum est, nec fieri licet.* Hoc ergo fla-
gitium admiserat Diōscorus, quòd sine sedis
apostolice auctoritate synodum Ephesinam

peregit, & in ea judicium exercuit, Eutychem restituendo, & Flavianum ceterosque
Episcopos damnando, ac si legitima fuisse
illa synodus; cùm tamen juxta veterem Ec-
clesiæ canonem non liceat synodum Oecu-
menicum celebrare absque sententia sedis
apostolicae. Rite quidem indicata fuerat hæc
synodus literis Theodosij Imperatoris, évo-
cato quoque Leone Summo Pontifice, ut
sua sedis auctoritatem huic synodo adhibe-
ret. Missorum Legatorum præsentia ut nihil
desideraretur ad plenum legitimūque
Concilium celebrandum efficiebat; sed
Diōscori impudenti versutia delusi vel potiū
repudiati sunt. Itaque recte de usurpatione
synodale Diōscorum objurgant Legati, eò quòd nondum rite constituta sy-
nodo & omnibus numeris perfecta judicium
in ea synodicum exercuerit, vel potiū om-
nia per tumultum, minas, & cædes pere-
gerit.

V. Adduci solet à quibusdam formula
sententia Paschasini; qua videtur damnare
eo nomine Diōscorum, quòd primatum sibi
usurpaverit in synodo Ephesina. Quod tamen
ad quaestionem istam nullo pacto perti-
net. Licet enim ibi dicatur Diōscorus *presu-
mens sibi primatum*, Eutychem in commu-
nione suscepisse, ex Græco contextu, ubi
Diōscorus *αὐτοῖς* dicitur, vox illa prima-
tus significat eum omnia cum imperio, non
autem ordine & canonicè, sive *ἀρχοντος*,
egisse, suscepito Eutychem in communionem
sub ipsa Conciliij initia, non expectatis syno-
di suffragis. Quare verba illa absunt ab
exemplari illius sententiae quod Episcopis
Gallis Leo misit: qua sanè non omisisset,
si ad contumeliam Romanæ sedis ulciscen-
dam aliqua ratione referri potuissent.

CAPVT VI.

Synopsis.

I. *Diōscori præsumptio repressa in Concilio Chal-
cedonensi. Restitutio Eutycheti, & Flaviani damnatio,
ingratia Leonis; qui synodum generalem in Italia cele-
brari postulat à Theodosio. Negat Theodosius, atta-
men respondet curauit se ne fidei Conciliij Niceni
injuriam patreterit. Et Anatolium, Flaviani in sede
CP. successorem, à Pontifice suscipi contendit: qui ut-
gat id fieri posse, donec de fide Anatoli consenserit. Dein
Legatos mittit ad Theodosium, qui veram fidem doce-
rent, & si qui contradictores essent, Concilium uni-
versale in Italia celebrari postularent. Verum ante
coram adventum Theodosius excessit è vita: cui suc-
cessit Marciānus, à quo suscepit sunt.*

II. *Marcianus sollicitus de celebrando Concilio in
Oriente: quòd Leonem accedere hortatur. Episcopi evo-
cantur Nicæam ad Concilium generale, quod Chalce-*